

Na osnovu člana 4. Odluke o utvrđivanju uslova za ostvarivanje prava učešća građana za uzgoj jagodastog voća - podizanje zasada maline nabavkom sadnica maline broj: 01-05-4-1500/15 od dana 14.10.2015.godine, Načelnik Općine Stari Grad Sarajevo raspisuje:

JAVNI POZIV

za predaju zahtjeva za odabir poljoprivrednih domaćinstava za podizanje zasada maline

1. PRAVO PRIJAVE NA JAVNI POZIV

Pravo podnošenja prijave za odabir poljoprivrednih domaćinstava za podizanje zasada maline imaju domaćinstva sa mjestom prebivališta i zemljištem na području općine Stari Grad Sarajevo.

2. USLOVI ZA ODABIR POLJOPRIVREDNOG DOMAĆINSTVA ZA PODIZANJE ZASADA MALINE

Pravo na odabir poljoprivrednih domaćinstava za podizanje zasada maline mogu ostvariti domaćinstva koja ispunjavaju navedene uslove:

a) Opći uslovi

1. Da podnosilac zahtjeva ima mjesto prebivališta i da posjeduje zemljište na području općine Stari Grad
2. Da je zakonski korisnik zemljišta (vlasnik, suvlasnik, nosilac prava korištenja i slično) - dostavljena kopija posjedovnog lista
3. Broj članova poljoprivrednog domaćinstva

b) Posebni uslovi

1. Da poljoprivredno domaćinstvo posjeduje jedan dunum čiste površine zemljišta (bez zasađenih kultura) planirano za voćarsku proizvodnju - podizanje zasada maline

3. POTREBNA DOKUMENTACIJA

Uz zahtjev za odabir poljoprivrednih domaćinstava za podizanje zasada maline potrebno je priložiti dokaze o ispunjavanju uslova iz Javnog poziva kao i druge dokaze, originale ili ovjerene fotokopije dokumenata koji ne mogu biti stariji od 6 mjeseci:

1. Dokaz da je zakonski korisnik zemljišta: prepis posjedovnog lista nadležne općinske službe ili kupoprodajni ugovor zakonski ovjeren
2. Kopija lične karte i kopija prijave o mjestu boravka za podnosioca zahtjeva
3. Kućna lista

4. PODNOŠENJE ZAHTJEVA I DOKUMENATA

Obrazac zahtjeva za podizanje zasada maline može se podići u šalter sali Općine Stari Grad, ili preuzeti na web stranici Općine Stari Grad Sarajevo (www.starigrad.ba). Zahtjevi sa pratećom dokumentacijom se predaju na šalter protokola u šalter sali Općine Stari Grad, ulica Zelenih beretki br.4, sa naznakom: Služba za privredu i finansije - Prijava na **Javni poziv za predaju zahtjeva u odabiru poljoprivrednih domaćinstava za podizanje zasada maline**. Sve dodatne informacije mogu se dobiti u Službi za privredu i finansije, soba 416, IV sprat.

5. PROCEDURA ODABIRA KORISNIKA

Proceduru odabira pristiglih zahtjeva izvršit će Komisija za odabir poljoprivrednog domaćinstva za podizanje zasada maline.

6. FINANSIJSKA SREDSTVA

Grant za voćarsku proizvodnju finansira se sredstvima iz Budžeta Općine Stari Grad Sarajevo za 2015.godinu.

7. NAPOMENA

1. Zahtjevi sa nepotpunom dokumentacijom kao i zahtjevi podneseni mimo utvrđenog roka neće biti razmatrani.
2. Rok za podnošenje prijave na Javni poziv je 10 dana od dana njegovog objavljivanja.
3. Proceduru odabira pristiglih zahtjeva izvršit će Komisija za odabir poljoprivrednog domaćinstva za podizanje zasada maline. Odluku o izboru donosi Načelnik Općine Stari Grad na prijedlog Komisije.
4. O rezultatima Javnog poziva svi učesnici će biti obaviješteni putem oglasne ploče Općine Stari Grad, a mogu se i lično informisati u Službi za privredu i finansije, soba 416, IV sprat.

OPĆINSKI NAČELNIK

mr. Ibrahim Hadžibajrić, s.r.

Sarajevo, 22.10. 2015.godine.